

tamen non omnia convenient ei secundum divinitatem, quale est quod in eum Spiritus Sanctus descendere, et quod in eo Pater complacere; ergo idem ipse, de quo haec dicuntur, est ipsem Filius Dei naturalis, non solum ut subsistens in divinitate, sed etiam ut subsistens in humanitate ratione suppositi, ut dictum est. Tercio, cum in superioribus ostensum sit, hanc propositionem absolute prolatam: *Christus, ut homo, est Filius naturalis Trinitatis*, falsam esse, quia indicat Christum ut hominem esse personam distinctam a tota Trinitate, qua verisimilitudine dici potest Adrianum Pontificem, vel in eo sensu fuisse simpliciter locutum, vel, quod incredibilis est, illam propositionem definitivasse, et juxta illam predictum testimonium declarasse? Igitur ex illo testimonio et argumento Adriani non potest inferri esse ab eo definitam illam propositionem: *Christus, in quantum homo, est Filius Dei naturalis, in sensu tertiae conclusionis, in quo a Theologis disputatur, sed tantum in sensu secundae assertionis, in quo a solis haereticis negatur.*

37. Sed urgebit aliquis, quia adhuc juxta hanc interpretationem non est firmum argumentum Pontificis; totum enim fundatur in ponderatione illius verbi, *complacui*, quod tamen nullum habet singulare mysterium, neque ex vi sua significationis dicit respectum ad alios simul placentes, ut ex usu Latinorum constat, et evidentius ex verbo graeco illi respondentे, Εὐδοκέω, quod nihil aliud significat, quam beneplacitum habere ad aliquem; estque hoc verbum peculiare divinis litteris ad declarandum hunc singularem et maximum affectum ad aliquem. Ac deinde, licet daremus verbum illud significare aliorum consortium in tali affectu et beneplacito, cur non posset aeternus Pater id dicere de suo Filio secundum divinitatem? nam etiam Spiritus Sanctus in illo complacet, et Filius ipse sibi ipsi placet, etiam si neque a se, neque ab Spiritu Sancto procedat, quod non refert, quia illud verbum non significat consortium in origine seu productione, sed tantum in affectu; ut, si inter homines pater simul cum amicis bonum affectum habeat ad filium, in omni proprietate et rigore dicere potest, In te complaceo, quia alios consortes in illo affectu habet, quamvis non sint consortes in munere et relatione patris. Respondetur primum hic habere locum solutionem supra indicatam, scilicet, non oportere omnia et singula, quae ad definitionem confirmandam afferantur,

etiam contrario omnibus Doctoribus; constat discurrens intonuit, discrevitque, qui essent autem omnes, tam veteres quam recentiores, intellexisse locum illum de sola persona Patris, ut D. Thomas inferius, q. 38, a. 8, et q. 45, a. 4, ex professo declarat, et in seq. tom., in Com. illius art. 8, et disp. 27, sect. 2, plures Patres adducemus in ejus rei confirmationem, scilicet August., Ambros., Hieron., Cyprian., Hilar., Fulgent., Chrysost., et alios. Quibus addi possunt notanda verba Augustini, 2 de Trinit., c. 10, dicentis: *Ibi cogimur non nisi Patris personam accipere, ubi dictum est: Hic est Filius meus dilectus. Neque enim Jesus etiam Spiritus Sancti filius, aut etiam suus filius, credi aut intelligi potest;* et Athanasius, serm. 3 cont. Arian., versus finem, generalem regulam constitut: *Ista omnia, Unigenitus, et Filius, et Verbum, et Sapientia ad Patrem referuntur, itaque suam proprietatem habent;* et singula confirmat propriis Scripturæ testimoniis, inter quæ profert hoc, de quo modo agimus: *Hic est Filius meus dilectus;* et illud: *Tu es Christus, Filius Dei vivi;* et in epistola de Synodi Nicæna decretis contra Arianam haeresim, circa medium: *Ideo (inquit) Filius et Unigenitus dicitur, et solus duntaxat in sinu Patris, cumque solum ex se genitum esse Pater declarat, cum inquit: Hic est Filius meus dilectus, in quo mihi complaco;* et alii Patres disputantes contra Arianos hoc maxime testimonio utuntur ad divinitatem Filii, et processionem aeterno Patre probandam. Et tractantes de baptismo, docent personarum Trinitatem fuisse in Christi baptismo manifestatam, Spiritum Sanctum per speciem columbae, Filium per humanitatem, Patrem in ea voce qua testimonium Filio suo reddidit, ut fusius in 3 tomo, in materia de baptismo, declarabimus. Unde Ecclesia, tam in festivitate Transfigurationis quam in festo Epiphaniæ, Patrem intelligit verbis illis loquentem: *Hunc et Prophetis testibus (ait in hymno Transfigurationis), Iisdemque signatoribus, Testator et Pater jubet, Ipsum audire et credere;* et in primo Responsorio Epiphaniæ: *Hodie, inquit, in Jordane baptizato Domino aperti sunt cali, et sicut columba super eum Spiritus mansit, et vox Patris intonuit: Hic est Filius meus dilectus.* Et infra, in tertio Responsorio: *Paterna vox auditæ est: Hic est Filius meus dilectus. Imo ipsummet Concilium Francoford., in libro Sacrosyllabo, col. 5, sic dicit: Vox Patris intonuit dicens: Hic est Filius meus. Et infra: Mox paterna vox fulgidam per nubem*

torius et sequaces quoad rem ipsum, quamvis non constet illis verbis usos fuisse; unde in hoc sensu est etiam hæretica illa proposicio, et in eo proprie damnatur in Concil. Francoford., et sufficienter convincitur testimoniis Scripturæ et Sanctorum que in eo adducuntur. Tertio modo existimari potest Christus adoptivus ratione totius compositi ex humanitate et subsistentia Verbi, nam ut sic est Christus una persona composita, ut supra ostensum est, quæ persona composita est capax filiationis; hoc enim modo hic homo Christus vere ac proprie dicitur filius Virginis, et supra, sectione prima, ostensum est Christum, etiam ut hominem, esse filium Dei ratione gratiæ unionis. In hoc ergo sensu falsa etiam est illa proposicio; nam, ut ostendimus sectione secunda, etiam hæc filatio Christi, ut hominis, ad Deum non est adoptiva, sed naturalis; ergo neque ob hanc filiationem potest verificari illa proposicio: Christus est filius adoptivus; ergo nullum habet sensum verum; et alioqui habet duplum sensum hæreticum; ergo simpliciter hæretica censenda est. Dices: quamvis falsum sit filiationem Christi ut hominis ad Deum esse adoptivam, tamen hactenus id non est ut hæreticum damnatum, ut in superioribus ostendimus; ergo in hoc sensu, et ratione hujus filiationis, non erit hæreticum affirmare absolute, Christum esse filium Dei adoptivum, sed erit sub opinione, quamvis sit falsum. Respondetur illam propositionem formaliter et in propriis terminis negari sæpe in Concil. et a Patribus, qui, tam de Verbo Dei quam de Christo loquentes, non solum affirmant esse Filium naturalem, sed etiam negant esse adoptivum, ut patet ex Leone IX, in epist. 3 ad Petrum episcopum Antiochensem; Innoc. III, in c. In quadam, de Celebr. Missar.; et maxime ex Aug., tract. 2, 21 et 83 in Joan., et lib. contr. Secundinum Manich., c. 5, et de Ecclesiast. dogma., c. 2, et reliquis supra cit., et aliis quos refert Concil. Francoford., cuius aliqua etiam verba infra referam. Hoc ergo satis esse debet, ut illa proposicio rejicienda sit ut hæretica. Ratio autem est, quia illa proposicio, ex vi et proprietate verborum, non tantum non est affirmativa, sed virtualiter negativa, quia filius adoptivus simpliciter non dicitur nisi qui naturalis non est; hæc enim negatio est fundamentum vel conditio prærequisita ad adoptionem, ut sepe dicitur in prædicto Concilio Francoford., et consistat ex ipsamet voce, et ex prima ratione et insi-

tutione adoptionis; estenim introducta, utis, qui caret naturalibus filiis, loco illorum aliquem sibi in filium adscribat. Erit ergo illa proposicio hæretica, ratione negationis, quam simpliciter prolata includit. Sed hinc ultius fit, ut etiam ipsa affirmatio, simpliciter prolata, sit falsa et hæretica, quia tribuit filiationem adoptivam ei cui secundum fidem non convenit. Christus enim simpliciter positus a parte subjecti stat pro divino supposito; illi ergo attribuitur in illa propositione filiatio adoptiva, et ab eodem removetur simpliciter filiatio naturalis. Sic Concilium Francof., in lib. Sacrosyllab., col. 7: *In Dei Filium non cadit nomen adoptionis, quia semper verus Filius et post assumptum hominem veri Filii vocabulum non amisit, qui nunquam verus desiit esse Filius;* et Hilar., d. lib. 6 de Tri.: *Nuquid etiam nunc adoptionis in eo erit nuncupatio, in quo proprietatis est nomen?* Legantur supra dicta, q. 16, art. 9, et disp. 35, sect. 4; nam postquam declarata res est, in usu verborum servandæ sunt regulæ supra datæ de communicatione idiomaticum, nam ex illis tota hæc res pendet, supposita significatione terminorum. Unde, quamvis verum censem, illam propositionem, simpliciter dictam, esse hæreticam, id tamen non tam est ob definitionem Cone. Francof., quam ob propriam significationem et suppositionem terminorum, sive Christo ut homini conveniat filiatio adoptiva, sive non, ad eum modum quo censetur hæc proposicio facere sensum hæreticum: Christus incepit esse, quia includit negationem repugnantem supposito secundum se, quamvis, cum addito, Christus homo incepit esse.

39. *Quinta assertio.* — Dico quinto: hæc proposicio, Christus, in quantum homo, est filius adoptivus, sumpta illa determinatione ratione suppositi hujus humanæ naturæ, est hæretica; et in hoc sensu damnatur in Concilio Francoford. Prior pars est evidens, quia eo sensu significatur, suppositum hujus humanitatis non esse Filium Dei naturalem, quod est hæreticum. Posterior pars probata est satis in superioribus.

40. *Sexta assertio.* — Unde dico sexto: hæc proposicio, Christus, in quantum homo, est filius adoptivus, licet falsa sit, non tamen est hæretica; censenda tamen est improbabilis. Prima pars de falsitate, probata est sectione præcedenti. Secunda sufficienter etiam probata est declarando definitionem Concilii Francof.; nam ante illud Concilium, proposicio

illa nullibi damnata est, nec falsitas ejus ex altera propositione absoluta: Christus est ad-
optivus, probabilior censenda erit, quia solum includit negationem filiationis naturalis secundum extraneam naturam, quæ negatio non repugnat, imo optime esse potest cum filiatione naturali secundum aliam naturam intrinsecam et propriam. Respondetur ad priorem partem, propositionem illam (ut ego existimo), etiam secluso Francof. Concilio, semper fuisse parum et fere nihil probabilem, quia, licet unus aut alter Theologorum eam docuerit, reliquorum omnium et graviorum consensus illi repugnavit, propter gravissimas rationes supra tactas; cum tamen opinio Durandi nullo satis probabili principio nitatur, sed aut necessario supponat Christum, ut hominem, non esse gratum et sanctum ex vi unionis, neque illi esse connaturalem gratiam et jus ad gloriam, vel certe male declaret rationem adoptionis, quæ ex institutione ejus et usu sapientum sumenda est. Addo deinde illam opinionem jam nunc esse longe improbabiliorem quam antea. Primo quidem, quia, licet non constet, definitione Concilii Francof. esse damnatam, tamen non est hoc adeo certum, quin possit aliquo modo in dubium revocari; et saltem obiter constat multa in eo Concilio dici, ex quibus vehementer illa opinio impugnatur. Accedit quod ob dictas causas, et quia illa locutio non est a Patribus usitata, neque illorum locutionibus conformis, sed magis accedens ad modum loquendi hæreticorum, ab omnibus modernis scriptoribus et doctioribus Theologis rejicitur. Merito ergo valde protervus ac fortasse temerarius censi-
derit, qui nunc illam doceret. Neque enim omnis opinio, quam aliqui Theologi aliquid sine temeritate docuerunt, in eodem semper gradu probabilitatis vel opinionis perseverat, ut per se notum est. Ad posteriorem partem respondetur, illam propositionem cum illa determinatione, *in quantum homo,* non esse falsam solum quia ex illa sequatur alia absoluta et sine determinatione: Christus est filius adoptivus, nam revera immediate ac formaliter non sequitur, quamvis mediate et ratione materiæ tandem inferri possit valde probabiliter; sed est falsa, quia includit negationem filiationis naturalis, quæ tamen falso negatur de Christo, etiam ut homine, ut ex precedenti sectione constat. Item etiam quia attribuit Christo, ut homini, proprietatem repugnantem ineffabili unioni, et compositioni secundum subsistentiam humanitatis ad Verbum. Tamen, quia hæc repugnan-

nia non est tam clara, ut ex principiis certis evidenter inferatur, ideo non damnatur illa propositio ut hæretica vel erronea; rejicitur tamen ut improbabilis (præter causas dictas) quia principia, ex quibus illa repugnantia infertur, vel sunt per se satis manifesta, si sint philosophica, vel, si sint Theologica, sunt ita certa, ut non possint sine temeritate negari, ut ex rationibus sectione præcedente factis satis constat.

42. *Rationibus dubitandi satisfit.* — Ad rationes dubitandi in principio propositas fere in superioribus responsum est, nam duo priora argumenta procedunt ex quadam æquivoicatione, quæ latet in illa particula, *in quantum homo*, vel *secundum humanitatem*, quæ, ut diximus, sumi potest, vel formaliter ad designandam naturam, vel ex parte suppositi ad designandum suppositum talis naturæ, quatenus eidem naturæ conjunctum est; in testimoniis autem adductis non sumitur priori modo, sed hoc posteriori, ut ex variis auctoribus, et ex verbis ipsius Concilii et rationibus ostendimus. Tertium vero argumentum recte concludit, ex sententia Durandi posse tandem deduci errorem distinguenter personas in Christo; tamen, quia hæc deductio non est ita evidens quin fundetur in aliquibus principiis non omnino certis aut evidenteribus, ideo non damnatur illa opinio ut hæretica, vel erronea.

SECTIO IV.

Utrum Christi humanitas possit dici adoptata.

4. *Doctrinæ series.* — *Difficultatis causa.* — Hactenus diximus de Christo, tam simpliciter sumpto, quam cum determinatione, *secundum humanitatem*; nunc dicendum superest de humanitate ipsa; nam, licet aliqui hanc questionem confundant cum altera de Christo ut homine, tamen revera est diversa, sicut humanitas ipsa quid distinctum est a Christo ut homine, nec decisio unius ex altera formaliter sequitur, ut in sect. 2 tactum est. Est igitur hic specialis ratio dubitandi, quia humanitas est natura extranea respectu Verbi, et ex sola Dei dilectione et liberalitate ordinata est, ut Verbo conjungeretur; neque enim ea gratia ullo modo ei debita erat, unde prius etiam natura extitit, quam ei talis gratia conferretur; ergo hujusmodi gratia vel acceptatio ad illam revera habet rationem adoptionis respectu humanitatis. Probatur consequentia, quia, cum humanitas non sit persona, sed

natura tantum, adoptanda est ut natura, non ut persona; ergo conditions adoptionis in illa inveniri debent ut in natura, non ut in persona; ergo satis est quod sit extranea, et præexistens, et gratis dilecta, ut est quædam natura. Et confirmatur testimonio Hilarii, l. 2 de Trin., post medium, dicentes: *Potestatis dignitas non amittitur, dum carnis humilitas adoptatur*; et Marii Victorini, l. 1 contra Arium, ubi, tractans verba Marthæ, Joan. 41: *Quoniam tu es Christus, Filius Dei, qui in hunc mundum venisti, ait: Non sic Filius quemadmodum nos; nos enim adoptione filii, ille natura; etiam quædam adoptione filius est Christus, sed secundum carnem*; quod potest recte intelligi de adoptione ipsius carnis, seu humanitatis. In contrarium autem est, quia si humanitas esset adoptata, etiam ratione illius Christus dici potuit adoptatus, tanquam in natura adoptata subsistens.

2. *Aliorum opinio.* — In hac re Theologi, qui existimant, relationem aut denominationem filii non esse propriam suppositi, sed posse etiam naturæ convenire, quando illa realiter præedit, vel sanctificatur, probabile existimant, humanitatem Christi non solum adoptatam, sed etiam filiam adoptivam Dei denominari posse; et hie modus dicendi potest sumi ex Scoto, in 3, d. 10, quamvis non clare illum doceat, nec definiendo, sed ut probabile tantum. Alii vero, qui melius sentiunt relationem et nomen filii supposito tantum et non naturæ attribui, negant quidem humanitatem esse filiam adoptivam; quidam vero eorum concedunt nihilominus humanitatem esse adoptatam, quia ex gratia Dei præordinata est ad participationem hæreditatis æternæ. Atque ita opinantur Gabriel et Almain., in 3, d. 10, ubi Major, idem sentiens, addit concedi posse Christum habere adoptionem secundum humanitatem, quia per hoc nihil aliud significatur, quam quod habet humanitatem adoptatam. Nonnulli vero ex junioribus existimant illam propositionem non solum falsam esse, sed etiam hæreticam, quia ex illa sequitur Christum, ut hominem, esse filium adoptivum, quod in Concilio Francoford. putant esse damnatum, et quia in eodem Concilio expresse id negatur, et carnis assumptio contra adoptionem distinguitur. Unde in libro Sacrosyllabo, circa principium, sic dicitur: *De Beata Virgine inenarrabiliter sumpsit, non adoptavit carnem.*

3. *Adoptionis cognomen Christi humanitati repugnans.* — *De adoptione ad habitualem gra-*

tiam probatur. — Dico primo: humanitas adoptio, neque gratia habitualis data est humanitati Christi ratione adoptionis; ostendimus autem statim unionem non esse adoptionem; ergo nulla ratione dici potest illa humanitas adoptata ad gratiam habitualem.

4. *Idem ostenditur de adoptione ad æternam hæreditatem.* — *Idem de adoptione ad gratiam unionis.* — Atque eisdem rationibus ostendit potest non esse adoptatam illam humanitatem ad gloriam seu hæreditatem æternam, nam, vel ad illam adoptaretur per gratiam habitualem, vel per gratiam unionis. Primum dici non potest, quia gratia habitualis non est data illi humanitati per modum adoptionis, id est, ex primaria quasi generatione et benevolentia mere gratuita, et tanquam naturæ omnino extraneæ, sed per actionem quasi consequentem unionem, et ex quodam debito illius, et tanquam naturæ jam deificatæ, et factæ quodammodo divinæ, et quasi propriæ Verbi per unionem; ergo non ordinatur illa humanitas ad beatitudinem tanquam ad illam adoptata per hujusmodi gratiam. Secundum probatur, quia gratia unionis est altioris ordinis et rationis quam sit gloria ipsa; ergo non potest illa esse adoptio ad gloriam. Sed hoc fortioribus rationibus statim ostendetur. Nunc confirmatur primo hæc pars ad hominem contra Gabrielem, quod non videatur consequenter loqui; nam, si humanitas Christi adoptatur quatenus ad beatitudinem ordinatur, cur non dicetur etiam filia adoptiva? Nam non minus est proprium suppositi operari, quam generari; ergo tam erit proprium suppositi ordinari ad vitam æternam, quæ in operatione consistit, quam esse filium, quod est esse cuiusdam generationis terminum; ergo si, hoc non obstante, humanitas adoptari dicitur, dicitur etiam filia; vel, e converso, si non est filia, ut revera non est, neque ipsa proprie ordinatur ad vitam, sed Christus ut subsistens in ipsa; illa vero quasi coordinatur cum Christo (ut sic dicam). Si ergo respectu ipsius Christi ut hominis talis ordinatio ad vitam non est adoptio, quia est ex debito unionis et consequens illam, nec respectu humanitatis ejus esse poterit. Unde confirmatur secundo, cur enim negat Christum ut hominem esse adoptatum, si humanitas ejus adoptata est? cum verius ac proprius Christus ut homo præordinetur ad beatitudinem quam humanitas ejus. Vel ergo id non satis est ad adoptionem, et ita neque humanitas eo titulo erit adoptata; vel si id satis est, ipse etiam Christus ut homo